



Broj:
Maglaj,

PRIJEDLOG

Na osnovu člana 3. i 7. Zakona o finansiranju političkih stranaka („Službeni glasnik BiH“, br. 95/12 i 41/16), člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) i člana 31. Odluke o izvršavanju Budžeta/Proračuna Općine Maglaj za 2023. godinu („Službene novine Općine Maglaj“, broj: 13/22), Općinsko vijeće Maglaj na redovnoj sjednici, održanoj godine, donosi

ODLUKU
o finansiranju političkih stranaka
koje učestvuju u Općinskom vijeću Maglaj u 2023. godini

Član 1.

Ovom Odlukom utvrđuju se kriteriji i vrši se raspoređivanje sredstava namijenjenih za finansiranje političkih stranaka u Općinskom vijeću Maglaj iz budžeta Općine Maglaj za 2023. godinu.

Član 2.

Ukupan iznos sredstava namijenjenih za finansiranje političkih stranaka u Općinskom vijeću Maglaj iznosi 62.500,00 KM.

Član 3.

Sredstva iz člana 2. ove Odluke raspoređuju se na sljedeći način:

- 30% sredstava dijeli se jednako svim političkim strankama, odnosno koalicijama političkih stranaka koje su osvojile mandat,
- 60% sredstava se dijeli prema broju vijećničkih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata
- 10% sredstava od ukupnog iznosa se raspoređuje parlamentarnim grupama srazmjerno broju vijećničkih mjesta koja pripadaju manje zastupljenom spolu.

R/br	Političke stranke	Broj vijećnika	Broj vijećnika manje zastupljenog spola	30%	60%	10%	MJESEČNO	UKUPNO U KM
1	SDP BiH	11	1	2.678,57	16.500,00	2.083,33	1.771,83	21.261,90
2	SDA	9	-	2.678,57	13.500,00		1.348,21	16.178,57
3	A – SDA	1	1	2.678,57	1.500,00	2.083,33	521,83	6.261,90
4	DF	1	1	2.678,57	1.500,00	2.083,33	521,83	6.261,90
5	HDZ BiH	1	-	2.678,57	1.500,00		348,21	4.178,57
6	SBB BiH	1	-	2.678,57	1.500,00		348,21	4.178,57
7	NBL	1	-	2.678,57	1.500,00		348,21	4.178,57
UKUPNO		25		18.749,99	37.500,00	6.250,00	4.860,12	62.499,99

Član 5.

Raspodjela sredstava iz člana 3. ove Odluke vršit će se mjesečno i sredstva će se uplaćivati na transakcijski račun političkih stranaka.

Član 6.

Za realizaciju ove Odluke zadužuje se Služba za privredu, finansije/financije i razvoj poduzetništva.

Član 7.

Ova Odluka stupa na snagu osmog dana od dana objavljivanja u „Službenim novinama Općine Maglaj“, a primjenjivat će se od 01.01.2023. godine.

PREDSJEDAVAJUĆA

Svjetlana Zamboni

O b r a z l o ŷ e n j e

Članom 3. stav (1) alineja e) Zakona o finansiranju političkih stranaka („Službeni glasnik BiH“, br. 95/12 i 41/16) propisano je da se politička stranka može finansirati iz budžeta Bosne i Hercegovine, u skladu s članom 7. ovog Zakona, entitetskih budžeta, kantonalnih budžeta i budžeta Brčko Distrikta Bosne i Hercegovine, te budžeta drugih jedinica lokalne uprave i samouprave u skladu sa zakonom.

Članom 7. stav (3) Zakona o finansiranju političkih stranaka propisano je da političkim strankama, odnosno koalicijama političkih stranaka sredstva iz stava (1) ovog člana raspodjeljuju na način da se:

- a) 30% sredstava dijeli jednako svim političkim strankama, odnosno koalicijama političkih stranaka koje su osvojile mandate,
- b) 60% sredstava dijeli prema broju poslaničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata,
- c) 10% od ukupnog iznosa raspoređuje parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom spolu.

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Članom 31. Odluke o izvršavanju Budžeta/Proračuna Općine Maglaj za 2023. godinu („Službene novine Općine Maglaj“, broj: 13/22) propisano je da sredstva utvrđena u Razdjelu 10, Glava 101 Budžeta – Općinsko vijeće, Pozicija „Transferi finansiranja parlamentarnih grupa političkih stranaka“ rasporedit će se na korisnike, tako da se 30% sredstava raspoređuje jednako svim parlamentarnim grupama političkih stranaka, a 60% od ukupnog iznosa se raspoređuje parlamentarnim grupama političkih stranaka srazmjerno broju vijećničkih mjesta, koje svaka parlamentarna grupa političke stranke ima u trenutku raspodjele, dok se 10% od ukupnog iznosa raspoređuje parlamentarnim grupama srazmjerno broju vijećničkih mjesta koja pripadaju manje zastupljenom spolu.

Shodno navedenom, potrebno je da Općinsko vijeće Maglaj donese Odluku o finansiranju političkih stranaka koje učestvuju u Općinskom vijeću Maglaj u 2023. godini.

Obrađivač: Emina Hasanić



PREDLAGAČ
OPĆINSKI NAČELNIK

Mirsad Mahmutagić

